

慈利縣志卷之十五

淑氣磅礴賢豪挺生飭躬厲行燁然有聲聿遵道範爰守官箴相彼著蔡邦之典刑惟孝與節道義之珍躬自蹈之趾美前人百世孤騫示我景行志人物

宦蹟

晉應詹字思遠南頓人拜南平太守時天下大亂詹境獨完百姓歌之曰離亂旣普殆為灰朽僥倖之運賴茲應后歲寒不凋孤境獨守極我塗炭惠隆丘阜潤同江海恩猶父母惠帝永興間陳敏據江東荊州

慈利縣誌

卷十五 一

都督劉弘遣詹督水軍討破之元帝雅重其才遷內史後以功領江州刺史封觀陽侯史臣曰應詹行業聿脩文史足用入居列位則嘉謀屢陳出守藩封則惠政斯洽

晉陳頤字延思陳國人少好學有文名父訢建宅頤曰為門當使容駟馬車父笑而從之建興間守天門殊俗安之嘗選腹心吏為開府參軍若有調發輒先馳白恒得宿備陶侃表為梁州刺史

晉王裕之守天門政平訟理宴然無事或時出遊覽

意豁如也後轉南平太守及桓温擅晉遂隱東山屢
詔不起時因號曰王東山

南北朝王鎮惡宋臨澧令喜論軍國大事雖騎射非
其所長而縱橫善斷武帝召與語異焉謂諸佐曰鎮
惡王猛後裔所謂將門有將即署為前部

胡僧祐梁天門守多善政嘗諫元帝忤旨下獄及侯
景叛圍王僧辨于巴陵元帝乃引僧祐于獄拜將軍
令援僧辨至赤沙亭會陸誌至乃與併軍大敗景將
任約軍擒送巴陵

慈利縣誌

卷十五 二

許懋字順哲梁人以散騎常侍為天門守有能名凡
諸儀禮多所刊正時人踴為經史苟天監中議行封
禪懋以為不可遂輟

唐范泰字伯倫甯之子以太常博士為天門太守
愷悌不苛弟豫章得罪於父泰自天門棄官歸為之
哀訐弟始獲免

末雲景龍字良遇汴許人乾道中由上舍知縣事蒞
政嚴明幽枉必達興學勸農視民如子不畏權豪強
梗肅然竟以此去官戒行之日民爭攀餞咸為流涕

元翁元臣福州人以朝列大夫知本州文學治行為
時推重

樊益字友諒汴梁人國子生任海北道廉訪司經歷
至正己丑來知州事有廉明治行既去民懷其德翰
林編脩張允為作去思文勒碑頌德

司朔高唐人守本州愷悌愛民禱雨隨應

也先海牙高昌人弼野雲楚武定公曾孫監州事廉
明有治行至正末徵為內輔士民懷之

貫子素阿思南海牙也先海牙之昆弟由世蔭來監

慈利縣誌

卷十五 三

本州均賦䟽訟剔除姦強拓脩書院侯復為之據經
引史開拆疑義士民懷道鼓篋而至民到于今稱之
山馬西夏人弼山齋好學不倦同知州事有治行既
去民思之索文於翰林學士歐陽玄勒石以揚其休
國朝葉守禮儒士麗水人洪武初以監察御史改知
縣事奏遷縣治士民稱便文章政事卓有可稱

林鍾華亭人有學行通詩書春秋三經洪武中由儒
士任昆山訓導入侍經筵應制有詩擢知縣事蒞政
廉能銳意風化惡民間喪禮乖節諭禁甚嚴夷風丕

變累官至叅政所著有松谷集

杜述廣德人由舉人知縣事廉介均平民沾德焉嘗承委入蠻溪採木夷獠爭相迎奉視之如已親然後陞遼府左長史

黃孟舟名祐光澤人號樵川明敏特達蚤習書史從事閩藩任司庾巡率凡二十餘年聲實籍籍宣德初知縣事廉能勤慎愷悌循良愛民如子及卒民立祠塑像春秋祀之

楊威字廷振河內人監生天順間知縣事守廉行直

慈利縣志

卷十五 四

扶弱鋤強凡有營建費不逮民每值水旱禱之輒應李軌新都人舉人弘治間知縣事厲志清苦行事整飭毀淫祠鋤強梗尋陞阿迷州知州後民思之附主黃令祠祀之

李潤福清人舉人成化間任教諭學有本源教有矩度生徒賴之有成者甚衆

谷洪福清人舉人弘治間任教諭行端文雅崇義勤誨當道每推重之幾九年卒于官

倪賢夾江人歲貢弘治間任訓導篤實平易重義周

貧生徒咸敬愛之陞陝西固城教諭
名賢

元楊舟居彌勒山讀書旁觀經史登進士任茶陵同
知繼陞保寧總管撫字周悉勸學興禮民甚戴之後
待制翰林多所啓沃為時器重所著有鷄肋集

國朝張允弼谿堂富問學善屬文元至正間進士任
茶陵縣丞陞當塗縣尹至正末總管辰州路後歸國
朝官翰林編脩致仕有詩集傳于時

楊雄勤敏問學志識不群洪武中應貢授監察御史

慈利縣志

卷十五 五

鞠獄平允剛介不屈時弼真御史

張毅博學有詩名洪武間徵入京

上命賦春鵠博風詩稱旨擢國子監學錄尋陞監丞
蕭忠性質直洪武中由監生為陝西按察司僉事貞
肅憲度鋤強理冤人稱神明歷官山東左布政使以
累左遷高密典史永樂初陞江西僉事復調廣西僉
事卒

陸海博學好文洪武中由歲貢初任福建福州府推
官廉慎脩潔歷刑部郎中興化知府

徐純歲貢宣德壬子任鄆縣知縣繼任寧晉以保薦
增秩食府同知俸歷任一十八年以清慎勤見稱
褚文憲字邦傑性和易永樂庚寅由歲貢任光祿大
官署監事三年考課當陞署丞憲力以疾辭詔歸田
里

趙廉字叔簡舉人由刑部司務歷本部員外柳州府
知府致仕以都御史韓雍薦進階一級歲給米五石
以優養之

丁璿字國器舉人任河南府通判陞安州知州補蘭

慈利縣誌

卷十五 六

州歷鞏昌府同知汝府長史璿質實敦睦鄉族推重
服官行已皆可稱述蘭州嘗旱竭誠禱雨至沾足乃
止其處心不欺類如此

逸士

晉周朴隱居天門山以耕讀自娛屢徵不起所著有
林泉詩集行于世

義士

晉周該以義勇稱從父級為宜都內史特王敦叛遣
該使湘州約譙王丞甘卓同衛王室為敦所執訊掠

之至死不言級由是得免於難

元張貴和弟繼和集兵捍境鄉里從義者多歸之元末癸巳倪文俊來寇貴和與戰敗績死之

王元明字誠夫東陽人大德中州有水災元明使善游者活一人與鈔十千凡活男女八十餘人州民多葺茅居三年連燬每燬輒傾廩以濟凡糜粟三千石事聞欲旌表君力辭之嘗攝州學事學廩不足則出金買租以供祭器不具則出鈔範銅為用後薦為岳陽學錄澧州教授皆有譽蹟

見學士虞集碑

慈利縣誌

卷十五 七

田希呂字志舒隱居天門好賢樂義大德中立書院以祀先聖先賢復割田積粟延師儒以教鄉之子弟後應薦為是院山長

皇明許綱八都人正統六年旱出粟一千一十餘石賑濟有司以聞特賜勅獎諭勞以羊酒旌為義民仍免本戶雜泛差役三年

孝子

元杜世壽字景星二十一都人母劉氏病篤割股煮粥以進母病愈人以為孝感所致有司以事聞詔表

其門曰純孝

張杏孫二都人父早卒年十四知孝母及母病甚割股以療之每顓天頌以已年益母壽母沒負土為墓鄉人皆稱重之爭訟者不詣公府而詣孝子請直其事里有麀鹿泉鄉人素賴其利值歲大旱泉渴乃詣孝子請禱之孝子沐浴拜泉泉初出如綫衆喜曰泉至矣孝子復再拜泉沛然如初所灌方數十里歲以大熟人益信其誠孝通尚書以授其子允取進士第為邑聞人云

慈利縣誌

卷十五 八

國朝李寬六都人年十八母王氏病危寬告天割股以和藥進之病遂瘥人稱其孝

劉彥瀛二坊人成化丁亥父琮遘疾瀛奉事惟謹乃顓天割股淪湯以進疾即愈時知縣潘清贈文以表其孝

李時用東陽人性樸實事親能孝嘉靖甲辰父幹患弱病湯藥罔効乃顓天引刀割右股為粥以進父病小愈厥明忽降丸藥數合于庭下取服之其病即瘳人以為孝感所致

節婦

元于氏早寡姑老子幼誓不適二姓養姑撫子始卒不渝大德間事聞表其門曰節孝

國朝孟氏二女長曰真年十八適史錠未幾錠亡次曰勝適王聚亦早亡父母俱憐其幼欲奪其志真涕泣謂勝曰與其失節而生孰若全節而死勝諾焉父母聞其言不復強之遂相與守節終身時目為雙節云

伍氏鄧守忠妻年十九夫亡無子誓不再嫁或勸之

慈利縣誌

卷十五 九

伍曰婦以節為重失節何以見夫于地下勸者懈持節益力縫紉紡績以養舅姑終身無怨言鄉里稱之韓惠真劉瑄妻夫有惡疾一子在襁褓未幾瑄病革與惠真泣訣曰吾病不復起吾死若能撫幼子以存吾後乎惠真曰諾言竟而沒時惠真年僅二十餘紉織撫孤父母或誘之嫁遂欲自殺姻黨慰勸而止年七十餘卒

丁氏丁綸女成化甲午適劉秉仁甫十月而夫亡時年十七遺腹生一女誓不再醮堅節孀居終始不改

嘉靖癸巳知縣劉長春奉撫按檄覈實表其門通判
陸遠扁其堂曰汎栢年九十四而終
論曰天下萬物皆有朽惟道為不朽世之人持一節
飭一行者皆足以為百世之孤騫而况兼而有之乎
孔子不云君子疾沒世而名不稱焉